



ЎЗБЕКИСТОН — ҲИНДИСТОН СТРАТЕГИК ШЕРИКЛИГИ ЯНГИ, ЯНАДА ЮКСАК БОСҚИЧГА КЎТАРИЛМОҚДА

Аввал хабар қилинганидек, Ўзбекистон Республикаси Президенти Шавкат Мирзиёев Ҳиндистон Республикаси Президенти Рам Натх Ковинднинг таклифига биноан 30 сентябрь – 1 октябрь кунлари давлат ташрифи билан ушбу мамлакатда бўлди.



Ташрифнинг иккинчи куни «Раштрапати Бхаван» саройида давлатимиз раҳбарини расмий кутиб олиш маросими бўлди.

Олий мартабали меҳмон шарафига фахрий қоровул саф тортиди. Ўзбекистон ва Ҳиндистон давлат мадҳиялари ангради. Давлатимиз раҳбари фахрий қоровул сафи олдидадан ўтди.

Президент Шавкат Мирзиёев шу ерда мамлакатимиз ва Ҳиндистон оммавий ахборот воситалари учун қисқача баёнот берди.

Давлатимиз раҳбари Ҳиндистон Президенти ва Бош вазирга таклиф учун миннатдорлик билдириб, халқларимизни тарихий ришталар, ўхшаш анъаналар, маънавий ва маданий яқинлик боғлаб туришини таъкидлади.

Бугунги кунда Ҳиндистон жадал ривожланмоқда, замонавий кифёга касб этмоқда. Унинг қудратли давлат ва иқтисодиёти ривожланган мамлакат сифатида жаҳондаги ўрни тобора мустаҳкамланмоқда. Ушбу мамлакат, айниқса, юқори технологиялар, инновациялар, саноат,

дастурлаш, соғлиқни сақлаш, хизмат кўрсатиш соҳаларида илгор ҳисобланади.

Биз олий даражадаги учрашувларимиз натижасида фаоллашиб бораётган Ўзбекистон — Ҳиндистон муносабатларининг бугунги суръатини юқори баҳолаймиз. Ишончим комилки, ушбу ташриф ва самарали музокараларимиз мамлакатларимиз стратегик шериклигини янги босқичга олиб чиқиш имконини беради, деди Президентимиз.

Шундан сўнг Шавкат Мирзиёев Нью-Дехли шаҳридаги «Раж Гхат» ёдгорлигига ташриф буюриб, ҳинд халқининг миллий қаҳрамони Махатма Ганди хотирасига ёқилган мангу олов ёнига гулчамбар қўйди.

Моҳандас Карамчанд Ганди Ҳиндистон миллий озодлик ҳаракатининг буюк раҳнамоси, «гандичилик» ғоясининг асосчиси. У ўз ватанининг миллий истиқлоли учун курашган ва Ҳиндистонда мустамлакачиликка чек қўйган инсон сифатида қадрланади. Махатма Ганди туғилган кун — 2 октябрь миллий байрам сифатида кенг нишон-

ланади. Мазкур ёдгорлик мажмуаси унинг мамлакатаи ва халқи олдидаги хизматларига ҳурмат ифодаси сифатида бунёд этилган.

Шавкат Мирзиёев буюк давлат ва сиёсат арбоби хотирасига ҳурмат бажо келтирди, мажмуанинг фахрий меҳмонлар китобига дастхат ёзиб қолдирди.

Хайдаробод саройида Ўзбекистон Республикаси Президенти Шавкат Мирзиёев ва Ҳиндистон Республикаси Бош вазир Нарендра Модининг тор доирадаги учрашуви бўлиб ўтди.

Мулоқот чоғида таъкидланганидек, ўзбек ва ҳинд халқларини тарихий ва маданий муштараклик боғлаб туради, стратегик шериклини ривожлантириш ва қўллаб-қувватлашда ўзаро манфаатли ҳамкорликни янада фаоллаштириш учун мустаҳкам пойдевор мавжуд.

Ўзбекистон билан Ҳиндистон халқаро майдонда, жумладан, БМТ ва ШХТ доирасида бир-бирининг ташаббусларини қўллаб-қувватлайди. Минтақавий ва халқаро долзарб маса-

лалар бўйича томонларнинг позициялари ўхшаш ёки яқин.

Халқаро терроризм, диний экстремизм, ноқонуний миграция, наркотикларнинг ноқонуний айланиши, трансмиллий уюшган жиноятчилик, шунингдек, бошқа минтақавий ва глобал таҳдид ва хавф-хатарларга қарши курашишда икки томонлама ва кўп томонлама тузилмалар доирасида ҳамкорликни янада ривожлантириш муҳимлиги таъкидланди.

Учрашувда Ўзбекистон билан Ҳиндистон ўртасидаги сиёсий, иқтисодий, инвестициявий, инновация, транспорт, энергетика, маданий-гуманитар ва бошқа соҳалардаги ҳамкорликни ривожлантириш масалалари муҳокама қилинди, минтақавий ва халқаро муаммолар юзасидан фикр алмашилди.

Президент Шавкат Мирзиёев ва Бош вазир Нарендра Модининг мулоқоти икки мамлакат расмий делегацияларининг кенгайтирилган таркибдаги музокарасида давом эттирди.

Ҳиндистон улкан иқтисодий имкониятларга эга, саноати ривожланган мамлакат. Ялпи ички

маҳсулот ҳажми бўйича дунёда олтинчи ўринда туради. Юқори технологиялар, инновациялар, дастурлаш, соғлиқни сақлаш, хизмат кўрсатиш соҳалари ривожига катта эътибор қаратаётган мамлакатимиз учун Ҳиндистон тажрибаси ва технологиялари муҳим аҳамиятга эга. Ҳиндистон учун ҳам изчил ривожланаётган, инвесторларни қўллаб-қувватлаётган Ўзбекистон истиқболли ҳамкордир.

Савдо-иқтисодий ҳамкорлик мамлакатларимиз муносабатларининг асосий йўналишларидан биридир. Бугунги кунда Ўзбекистонда Ҳиндистон сармояси иштирокида 145 корхона фаолият юритмоқда. Уларнинг 58 таси тўлиқ ҳориж капиталли эвазига ташкил этилган. 2018 йилнинг биринчи чорагида Ҳиндистон сармояси иштирокида 9 та корхона ташкил этилган ҳинд ишбилармонларининг мамлакатимизда фаоллиги ошаётганидан далолатдир. Президентимиз ташрифи арафасида ўтказилган икки мамлакат мутасадди вазирлик ва идоралари ҳамда ишбилармон доираларининг қўшма бизнес форумида умумий қиймати 3 миллиард доллардан зиёд бўлган сармоявий лойиҳаларни амалга ошириш бўйича келишувларга эришилди.

Музокарада савдо, иқтисодиёт, инвестициялар, юқори технологиялар, тиббиёт, фармацевтика, туризм ва бошқа соҳалардаги ҳамкорликнинг янги имкониятлари муҳокама қилинди.

Бу борада ҳали фойдаланилмаган имкониятлар кўпчилиги, ушбу ташриф ўзаро манфаатли Ўзбекистон — Ҳиндистон муносабатларига янги суръат бахш этиши таъкидланди. Бунда икки мамлакат ҳудудлари ўртасидаги тўғридан-тўғри алоқаларни фаоллаштириш алоҳида аҳамиятга эга.

Нью-Дехлида ўтган олий даражадаги музокаралар якунида имзоланган ҳужжатларни ўзаро алмашиб маросими бўлиб ўтди. Унда Ўзбекистон — Ҳиндистон мулоқоти якунида икки мамлакат ҳамкорлигини турли соҳаларда янги, янада юқори босқичга олиб чиқишга қаратилган 20 та ҳужжат имзолангани қайд этилди.

Ўзбекистон Республикаси Президенти ва Ҳиндистон Республикаси Бош вазирининг қўшма баёноти қабул қилинди. Дипломатик паспорт эгаларини виза талабларидан озод этиш, туризм, қишлоқ ҳўжали-

ги, фан-техника ва инновациялар, коиноти тадқиқ этиш ва ундан тинчлик мақсадларида фойдаланиш, гиёҳвандлик воситалари, психотроп моддалар ва прекурсорларнинг ноқонуний муомаласига қарши курашиш, соғлиқни сақлаш ва тиббиёт илми соҳасида ҳамкорлик тўғрисида ҳукуматлараро битимлар имзоланди.

Бундан ташқари, ҳарбий таълим, ҳуқуқ ва адлия, фармацевтика соҳаларидаги муносабатларни ривожлантиришга доир ўзаро англашув меморандумлари қабул қилинди. Имзоланган ҳужжатлар орасида Ўзбекистон — Ҳиндистон ишбилармонлик кенгашини ташкил этиш тўғрисидаги битим, шунингдек, Андижон вилояти билан Ҳиндистоннинг Гужарат штати, Самарқанд ва Агра шаҳарлари ўртасида ҳамкорлик ва шериклини йўлга қўйиш, Андижон шаҳрида Эркин фармацевтика зонасини ташкил этиш тўғрисидаги англашув меморандумлари алоҳида аҳамиятга эга.

Оммавий ахборот воситалари вакиллари учун ўтказилган брифингда Президент Шавкат Мирзиёев Ўзбекистон Ҳиндистон билан алоқаларга устувор аҳамият қаратиши, амалий рўнда ўтган музокаралар томонларнинг ўзаро ҳамкорлиги ривожлантиришдан манфаатдор эканини тасдиқлаганини таъкидлади. Икки мамлакат ўртасидаги товар айирбошлаш ҳажмини 1 миллиард долларга етказишга келишиб олингани қайд этилди.

Анъанавий дўстлик руҳида ўтган бугунги музокаралар мамлакатларимиз ва халқларимиз манфаати йўлида интилишларимиз қатъий эканини кўрсатди. Очқиклик, ўзаро англашув ва манфаатларга ҳурмат асосида қарор топган ҳамкорлигимиз мустаҳкамлашиб бораётганини юксак қадрлаймиз, деди давлатимиз раҳбари.

Биз Ўзбекистон Президенти билан мамлакатларимиз ҳамкорлигини ҳар томонлама муҳокама этиб, унинг истиқболли йўналишларини белгилаб олдик. Ўзаро савдода преференциялар қўллаш, ахборот технологиялари, ҳудудлараро ҳамкорлик ва бошқа қатор масалалар бўйича самарали келишувларга эришдик, деди Ҳиндистон Бош вазир.

Давлатимиз раҳбари ҳинд

халқига юксак ҳурмат-эҳтиром рамзи сифатида Нарендра Модига буюк мутафаккир Робиндранат Тагорнинг ўзбек тилида чоп этилган 8 жилдги асарлар тўпламини совға қилди.

Ўзбекистон Республикаси Президенти Нью-Дехли шаҳрида ўзи учун ажратилган қароргоҳда Ҳиндистон Республикаси ташқи ишлар вазири Сушма Сваражни қабул қилди.

Мулоқотда давлатимиз раҳбари Ўзбекистон билан Ҳиндистон ўртасида дўстлик ва стратегик шериклик муносабатлари изчил ривожланиб бораётганини мамнуният билан қайд этди. Жорий йилда томонларнинг интилиши натижасида ўтказилган учрашувлар, қатор делегациялар алмашувлари давлатлараро ҳамкорлики янада мустаҳкамлашга хизмат қилаётгани юқори баҳоланди.

Шавкат Мирзиёев мазкур давлат ташрифи таъйиғарлик кўришда Свараж хонимнинг хизматлари катта эканини қайд этган экан, олий даражадаги учрашувлар мамлакатларимиз ўртасидаги аънанавий дўстона муносабатларда янги даврни бошлашга, икки томонлама ҳамкорликини янада юқори босқичга кўтаришга хизмат қилишини алоҳида таъкидлади.

Ўзбекистон Республикаси Президенти Шавкат Мирзиёев Нью-Дехли шаҳрида ўзи учун ажратилган қароргоҳда Ҳиндистон Республикаси вице-президенти, сенат раиси Венкя Найдунни қабул қилди.

Учрашувда мамлакатларимиз алоқаларини ривожлантиришнинг турли жиҳатлари, ўзаро ҳамкорлигининг ҳуқуқий асослари мустаҳкамлашга масалалари хусусида фикр алмашилди.

Давлатимиз раҳбари «Раштрапати Бхаван» саройида Ҳиндистон Республикаси Президенти Рам Натх Ковинд билан учрашди.

Шунинг билан Ўзбекистон Республикаси Президенти Шавкат Мирзиёевнинг Ҳиндистон Республикасида давлат ташрифи ниҳоясига етди. Ушбу ташриф, унда эришилган натижалар мамлакатларимиз ўртасидаги муносабатлар тарихида муҳим ўрин эгаллаши ва ўзаро ҳамкорликини янги босқичга кўтариши мўқаррор.

Матназар ЭЛИМУРОВ,
ЎЗА махсус мухбири.

Тошкент — Нью-Дехли — Тошкент

Ўзбекистон Республикаси Президенти
Матбуот хизмати сурати.

«МАРКАЗИЙ ОСИЁДАГИ ИЖОБИЙ ЎЗГАРИШЛАРНИНГ АСОСИЙ ТАШАББУСКОРИ — ЎЗБЕКИСТОН»

Ўзбекистон Республикаси Президенти Шавкат Мирзиёевнинг Мустақил Давлатлар
Ҳамдўстлиги Давлат раҳбарлари кенгаши мажлисида иштирок этиш учун Тожикистонга
амалга оширган ташрифи бағишланган
мақола ва репортажларда ана шундай
фикрлар билдирилмоқда.

Media group / Tajikistan
ASIA-Plus

“Asia-Plus” газетасида (Тожикистон) “Эмомали Раҳмон Шавкат Мирзиёевни Душанбе халқаро аэропортида шахсан кутиб олди” сарлавҳали материал чоп қилинди. Аэропортнинг ўзида давлат раҳбарлари учрашув ўтказиб, имзоланган келишувларнинг ҳаётга татбиқ этилиши жараёни ва эришилган ютуқларни юқори баҳоладилар, дея хабар бериладилар.

“Sputnik-Tadzhikistan” аниқликлар агентлиги веб-сайтида “Ўзбекистон ва Тожикистон Президентлари Душанбе шаҳридаги Алишер Навоий номидаги маданият ва истироҳат боғи очилишида қатнашди. Шунингдек, давлатлар раҳбарлари боғ ҳудудида барпо этилган Абдурахмон Жомий ва Алишер Навоий ҳайкаллари пойига гуллар

ДУНЁ НИГОҲИ

кўйди”, дейилади. Ўз навбатида, “Авеста” ахборот агентлиги мазкур истироҳат боғи Тожикистон Президентининг 2018 йил 5 мартдаги қарори асосида қурилганини қайд этиб ўтади.

Ҳиндистоннинг “The Times of Central Asia” журналида Ўзбекистон ва Тожикистон Президентларининг Турсунзода шаҳридаги “Талко” давлат унитар корхонасига ташрифи ҳақидаги репортаж ҳавола этилди. Унда

иқки мамлакат етакчилари “Талко-Крантас” Ўзбекистон — Тожикистон қўшма корхонаси тақдимида иштирок этгани алоҳида таъкидланади. Янги заводда автокранлар, трактор тиркамалари, яримтиркамалар ва бошқа махсус техника воситалари ишлаб чиқарилади.

The Times of Central Asia

“Бир неча йил аввал икки давлат ўртасида бундай юксак даражада ҳамкорлик ўрнатилади, дейишса, ҳеч ким ишонмасди. Шавкат Мирзиёевнинг ҳокимиятга келиши билан расмий Тошкентнинг ташқи сиёсати фаоллик характер касб этгани баробарида, бутун Марказий Осиёдаги сиёсий муҳитнинг ўзгаришига хизмат қилди”, деб ёзади ҳиндистонлик шарҳловчилар.

Ўзбекистон — Тожикистон алоқаларининг замонавий тараққиёти ҳақида сўз юритилган экан, Россиянинг “Независимая газета” нашрида куйидаги фикрлар билдирилди:

НЕЗАВИСИМАЯ

“Тожикистон ва Ўзбекистон бир-бирини қўллаб-қувватламоқда. Тожикистон Президенти Эмомали Раҳмон қарийб йигирма йил мобайнида илк бор Тошкентга давлат ташрифини амалга оширди. Ўзбекистон раҳбари Шавкат Мирзиёев билан бўлиб ўтган иллик ва дўстона музокаралар қатор ҳужжатлар, шу жумладан, Стратегик шериклик тўғрисидаги ҳамда икки мамлакат давлат чегарасини делимитация ва демаркация қилиш бўйича битимларнинг имзоланиши билан яқунланди”.

Дори-дармон етказиб бериш тизими соддалаштирилади

Аҳолининг сифатли дори воситаларига бўлган эҳтиёжини қондириш соғлиқни сақлаш тизимидаги муҳим вазифалардан ҳисобланади. Шу боис сўнгги йилларда фармацевтика тармогини такомиллаштиришга қаратилган бир қатор ҳужжатлар қабул қилиниб, соҳадаги ишларни жадаллаштириш бўйича изчил савйи-ҳаракатлар амалга оширилмоқда. Яқинда Президентимиз томонидан имзоланган “Дори воситаларини давлат рўйхатидан ўтказиш тартиби ва уларнинг айланишини такомиллаштириш бўйича қўшимча чора-тадбирлар тўғрисида”ги қарор ана шу йўналишдаги ишларнинг мантиқий давоми бўлди. Зеро, мазкур ҳужжатда дори-дармон таъминоти йўналишига жорий этиладиган янги механизмлар белгилаб берилди.

Мутахассисларнинг фикрича, мамлакатимизда тиббий ёрдам сифатини ошириш ҳамда аҳолини сифатли дори-дармон ва тиббий жиҳозлар билан тизимли равишда таъминлашга тўқсинлик қилаётган муаммолардан бири, бу — фармацевтика маҳсулотларига юқори талаблар қўйилган чет давлатларда ишлаб чиқари-

ладиган дори-дармонларни давлат рўйхатидан ўтказиш тизими ҳаддан ташқари мурракблашиб кетганлигидир. Бу, ўз навбатида, юртимизга таъсир кучи паст бўлиб, сифати ҳақиқатдан дори воситаларининг олиб қилинишига сабаб бўлмоқда.

